

Swati - Agape imiBhalo - God's Love Letter Scriptures

Johane 15:9 Njengaloku Babe angitsandzile, nami nginitsandzile. Hlalani elutsandvweni Iwami.

Isaya 43:1 Kodvwa nyalo, naku lokushiwo nguSimakadze, Iwo lowakudala, wena Jakobe, Iwo lowakubumba, wena Israyeli, utsi: “Ungesabi, ngobe ngikuhlengile, Ngikubite ngelibito lakho, wena uwami.

Jeremiya 1:5 “Ngisengakakubumbi esitalweni senyoko ngakwati, watsi usengakatalwa, ngavele ngakwehlukanisela; ngakubeka kutsi ube ngumphrofethi etiveni.”

Johane 15:16 Akusini lenangikhetsa, kodvwa ngimi lenganikhetsa nganitfuma kutsi nihambe nitsele titselo letinyenti, leto titselo time futsi, kuze kutsi nobe yini leniyakuyicela kuBabe egameni lami aniphe yona.

3 Johane 1:2 Wena lotsandzekako, ngiyakhuleka kutsi konkhe kukuhambele kahle, nekutsi uphile kahle, njengobe ngati kutsi uyaphila emphefumulweni wakho.

Isaya 43:4 Njengobe wena uligugu kimi, uhloniphekile emehlwani ami, nanjengobe ngikutsanza nje, ngitawunikela bantfu ngenca yakho, netive ngitishintjise ngekuphila kwakho.

Jeremiya 31:3 Simakadze wabonakala kitsi kadzeni, watsi: “Ngikutsandze ngelutsandvo Iwaphakadze, futsi ngisachubeka nekukunakekela ngemusa.

Hoseya 11:8 “Ngingakuyekelela kanjani, wena Efrayimu? Ngingakulahla kanjani, wena Israyeli? Ngingakuphatsa kanjani njenga-Adma? Ngingakwenta kanjani ufanane naSeboyimu? Inhlitiyo yami iguculiwe ngekhatsi kwami; sonkhe sihawu sami sivuselelekile.

Johane 3:16 Nkulunkulu walitsanza live kakhulu kangangekutsi wadzimate wanikela ngeNdvodzana yakhe lekukuphela kwayo, kuze kutsi nome ngubani lokholwa ngiyo angabhubhi, kodvwa abe nekuphila lokuphakadze.

Isaya 49:15,16 “Umfati angalukhohlwa yini luswane lolusesebeleni lakhe nekutsi abete sihawu kumntfwana lamtalako? Nome angakhohlwa, kodvwa mine ngingeke ngikukhohlwe wena. 16 Buka la; ngikucophe entsendzeni yetandla tami; tibondza takho tisembikwami njalo.

Isaya 41:13 Ngobe mine nginguSimakadze, Nkulunkulu wakho, lobamba sandla sakho sangese кудла, atsi kuwe: ‘Ungesabi, ngitakusita.’

Matewu 28:20 nibafundzise kugcina konkhe lenginiyale ngako. Nibokwati

kutsi mine nginani onkhe emalanga, kuze kube ngusekupheleni kwetikhatsi.”

Johane 14:1 “Inhlitiyo yenu ingakhatsateki, kholwani nguNkulunkulu nikholwe nangimi.

Isaya 41:14 Un gesabi, wena mphettfu, Jakobe, awu, mntfwanyana, Israyeli, ngobe mine matfupha ngitakusita,” kusho Simakadze, uMhlengi wakho, Longcwele waka-Israyeli.

Isaya 43:2 Nawudzabula ekhatsi emantini, mine ngitawuba nawe; nanawudzabula ekhatsi emifuleni, ingeke ikukhukhule. Nawuhamba udzabula ekhatsi emlilweni, ngeke ushe, emalangabi ngeke akulumekele.

Tihlabelelo 23:1-6 Sihlabelelo saDavide. 1 Simakadze ngumelusi wami, ngeke ngeswele lutfo. 2 Ungilalisa emadlelweni laluhlata, angiholele nasemantini ekuphumula. 3 Uhlumelelisa umphefumulo wami, angiholele nasetindleleni tekulunga, kuze kudvunyiswe libito lakhe. 4 Nome ngihamba esigodzini lesinelitfunti lekufa, angesabi lutfo lolubi, ngobe wena unami; intfonga yakho neluvondvolo Iwakho kuyangivikela. 5 Ungigcebela litafula embikwami netitsa tami tibuka. Ugcobisa inhloko yami ngemafutsa, indzebe yami iyaphuphuma. 6 Impela, lokuhle nemusa kuyawungilandzela imihla yonkhe yekuphila kwami. Ngiyawuhlala endlini yaSimakadze kuze kube phakadze.

Johane 14:27 “Nginishiya nekuthula. Lokuthula lenginipha kona akufanani nesipho selive. Tinhltiyo tenu tingabokhatsateka futsi tingesabi.

KubaseFilippi 4:7 Kuthula kwaNkulunkulu lokwendlula konkhe kwati kutawulondvolota tinhltiyo tenu nemicabango yenu kuKhristu Jesu.

Taga 3:24 Nawucambalala phansi, ungeke wesabe; nawulala, uyawutfolia butfongo lobumnandzi.

Tihlabelelo 4:8 Ngitawutilahla phansi, ngilale butfongo ngekuthula, ngobe nguwe wedvwa, Simakadze, longenta nighlale ngiphephile.

Tihlabelelo 33:18 Empeleni liso laSimakadze likulabo labamesabako, yebo labo labetsema umusa wakhe,

KubaseRoma 5:2 Ngaye loJesu Khristu sinekungena ngekukholwa kulomusa lesesime kuwo; siyabonga sijabulela litsema lebukhosibaNkulunkulu lobutawuba betfu.

Isaya 55:12 Nine niyawuphuma ngenjabulo nichubekele embili ngekuthula, tintsaba nemagcuma kuyawuhlokoma kuhlabele ingoma imbikwenu, kutsi tonkhe tihlahla tesiganga tishaye tandla tato.

Johane 16:22 Kunjalo-ke nakini, kwamanje niselusizini, kodvwa ngitawuphindze nginibone futsi, tinhltiyo tenu tiyawujabula kakhulu.

Kute futsi umuntfu loyakunemuka loko kujabula kwenu.

Lukha 12:9 Kodvwa Iwo longiphika embikwebantfu kutsi akasiye wami, iNdvodzana yeMuntfu nayo iyawumphika embikwetingilosu taNkulunkulu.

Matewu 10:30 Kodvwa kini kubalwe ngisho netinwele tonkhe tenhloko yenu.

Isaya 54:10 Nome tintsaba tingatanyatanyiswa nemagcuma esuswe, noko lutsandvo Iwami lolungapheli lengikutsanza ngalo, lungeke lutanyatanyiswe, nesivumelwane sami sekuthula singeke sisuswe,” kusho Simakadze Ionesihawu kuwe.

Matewu 11:28-30 “Wotani kimi, nine nonkhe lenikhatsale nalenisindvwa yimitfwalo, ngitaniphumuta. 29 Bekani lijoko lami etikwenu, nifundze kimi, ngobe mine ngimnene, ngitfobekile ngenhlitiyo, khona niyawutfola kuphumula kwemiphefumulo yenu; 30 ngobe lijoko lami lilula, nemtfwalo wami awusindzi.”

Ingoma Yetingoma 2:10 Longitsandzako wakhulumka kimi, watsi: “Sukuma, sitsandvwa sami, lotsandzekako wami, wota sambe.

Hoseya 2:14,19,20 “Ngako-ke manje ngitamhungula, ngimholele ehlane, ngikhulume naye kamnandzi. 19 Ngiyawukwendzisela kimi kuze kube phakadze naphakadze; ngiyawukwendzlsaya ngekulunga, nangekwemtsetfo, nangekwelutsandvo, nangesihawu. 20 Ngiyawukwendzlsaya ngekwetsembeka, uyakumhloniphia Simakadze.

Eksodusi 3:14 Nkulunkulu watsi kuMosi: “Nginguye Lenginguye. Nguloko loyawubatjela kona baka-Israyeli, utsi: ‘Nginguye ungitfumile.’ ”

Hoseya 13:4 “Kodvwa mine nginguSimakadze longuNkulunkulu wakho, lowakukhipha eGibhithe. Animati lomunye Nkulunkulu ngaphandle kwami; kute uMsindzisi ngaphandle kwami.

Johane 15:14 Nine nitihlobo tami, nanenta loku lenginiyale ngako.

Sembulo 3:20 Lalela la, ngime emnyango ngiyancocotsa; nangabe umuntfu eva livi lami, avule umnyango, mine ngiyawungena kuye, ngidle naye, naye adle nami.

Pastor T. John Franklin
Church of Salvation, Healing, and Deliverance
COS-HAD.org